

五禮通考

第十二冊

五禮通考卷第二百二十七

內廷

禮部侍郎金匱秦舊編輯

翰林院編修嘉慶錢大昕

參校

李太僕

總纂有都衡桐城方觀齊同訂

賓禮八

天子遣使諸侯國

蕙田案周禮大行人有問問歸賑賀慶致禴之禮而皇華一詩有咨親咨禮咨事咨難之教蓋天子遣使諸侯非特以聯上下之交通和好之志凡以同好惡恤災難生靈之休戚國家之利病風俗之美惡皆于是乎觀故徧存徧賴徧省在所必勤策命反命在所必慎今輯經傳天子遣使之事以著于篇

周禮秋官大行人問問以諭諸侯之志歸賑以交諸侯

之福賀慶以贊諸侯之喜致禴以補諸侯之裁

注此四者

諸侯之禮也問問者問歲一問諸侯謂存省之屬諭諸侯之志者諭言語諭書名其類也交或往或來者也贊助也致禴凶禮之弔禮禴禮也補諸侯裁者若春秋澶淵之會謀歸宋財疏云交者欲見臣有祭祀之事亦得歸胙于王故玉藻云臣致膳于君有葷桃茹亦歸胙于主也

易氏祓曰大宗伯以賑膳賀慶分同姓異姓而大行人則一槩以爲諸侯者宗伯言其定制此言其通制也大宗伯之言賓禮不過朝覲宗遇會同聘類者而已如禮禮則見于凶禮賑膳賀慶則見于嘉禮蓋行人以親諸侯爲主凡嘉禮凶禮皆親諸侯之意不必定以賓禮爲拘也鄭氏鐸曰時聘殷類問歸賑固有一定制之制賀慶致禴則以時舉無常期

邱氏濬曰大行人所掌者朝覲宗遇會同六者諸侯致觀于王者也問歸賑賀慶致禴四者天子致愛于諸侯者也諸侯以禮致其敬天子以仁致其愛尊卑之意通上下之誠達尙何猜疑間貳之爲患哉先王之所以親諸侯也如此

王之所以撫邦國諸侯者歲徧存三歲徧類五歲徧省

七歲屬象胥諭言語協辭命九歲屬瞽史諭書名聽聲

音十有一歲達瑞節同度量成牢禮同數器修瀛則

注撫

也存類省者王使臣于諸侯之禮所謂問問也歲者巡守之明歲以爲始也屬猶聚也自五歲之後遂間歲徧省也七歲省而召其象胥九歲省而召其瞽史豈聚于天子之宮教習之也鄭司農云象胥譯官也元謂瞽樂師也史太史小史也書名書之字也古曰名聘禮曰百名以上至十一歲又徧省焉達同成修皆謂審其

灋式行至
則齊等之

劉氏彝曰存者問其安否類
者視其治效省者察其風俗

王氏昭禹曰類又詳

于存省又詳于類

蔡氏德晉曰屬會集也象胥掌通言語瞽掌樂史掌書三官王朝列國皆有之
屬象胥者謂使王朝象胥往至牧伯之國會集列國象胥諭以言語使彼此通
曉協其辭命使體制合同也屬瞽史者謂使王朝瞽史往至牧伯之國會集列
國瞽史論書名以同其文聽音聲以同其律也度量數器合方氏所掌牢禮掌
客所掌法八法則八則達同成修皆謂
行人齎其法式以行至則齊等之也

小行人使適四方協九儀賓客之禮

注適之也協合也疏使
適四方向諸侯之國則合

九等之儀九儀則大行人九儀命者五爵者四是也云賓客
之禮者賓據命者五客據爵者四此稱賓客之例非通稱也

蕙田案使適四方王使小行人適四方也

若國札喪則令賻補之若國凶荒則令調委之若國師

役則令犒贈之若國有福事則令慶賀之若國有禍裁

則令哀弔之凡此五物者治其事故

注故書賻作傳犒爲豪鄭
司農云賻補之謂賻喪家

補助其不足也若今時一室二戶則官與之棺也豪當爲犒謂犒師也元謂師役
者國有兵寇以致廢病也使鄰國合會財貨以與之春秋定五年夏歸粟于蔡是

也宗伯職曰以膺禮
哀國賊禍救水火

王氏昭禹曰所作謂之事所逢謂之故札喪凶
荒禍裁出于所逢者也師役福事或出于所作

及其萬民之利害爲一書其禮俗政事教治刑禁之逆
順爲一書其悖逆暴亂作慝猶犯令者爲一書其札喪
凶荒厄貧爲一書其康樂和親安平爲一書凡此五物
者每國辨異之以反命于王以周知天下之故注隱惡也猶
圖也疏此

總陳小行人使適四方所探風俗善惡
之事各各條錄別爲一書以報上也

葉氏時曰觀此而知小行人之奉命以往無非究心
邦國之民事反命以告亦無非究心邦國之民事

掌交掌以節與幣巡邦國之諸侯及其萬民之所聚者
道王之德意志慮使咸知王之所好惡注節以爲行信
幣以見諸侯也

咸皆也辟讀如辟忌之辟使皆知王之
所好者而行之知王所惡者辟而不爲

使和諸侯之好達萬民之說

注有欲相與修好者則爲和合之說
所喜也達者達之于王若其國君

蔡氏德晉曰凡上下之情不通易至睽孤梗逆而不相親掌交以王之德意志
慮爲諸侯萬民道之令皆避王所忌行王所好則上之情得通于下矣又使王

于諸侯所好必調和之萬民所說必通達之則下之情得通于上矣

夏官匡人掌達灋則匡邦國而觀其慝使無敢反側以

聽王命

注灋則八灋八則也邦國之官府都鄙亦用焉慝姦偽之惡也反側猶背違灋度也書曰無反無側王道正直

譚人掌誦王志道國之政事以巡天下之邦國而語之

注道猶言也以王之志與政事諭說諸侯使不迷惑

使萬民和說而正王面

注面猶鄉也使民之心曉而正鄉王疏

以上二事鄉諸侯說之使諸侯化民而萬民正向於王

高氏愈曰匡人主察諸侯之惡譚人主宣天子之善察其惡而人畏威宣其善而人懷德後世有宣慰使之名蓋近此譚人之意

春官大宗伯以弔禮哀禍裁

注禍裁謂遭水火宋大水魯莊公使人弔焉曰天作淫雨害于衆盛如之何不

弔殿焚孔子拜鄉人爲火來者拜之十二大夫再亦相弔之道

以禴禮哀圍敗

注同盟者會合財貨以更其所喪春秋襄三十年冬

晉于澶淵宋裁故是其類

以恤禮哀寇亂

注恤憂也鄰國相憂兵作于外爲寇作于內爲亂

蕙田案弔禴恤之禮通于邦交而天子遣使

侯國亦有之

以賑膳之禮親兄弟之國

注賑膳社稷宗廟之肉以賜同姓之國同福祿也兄弟有共先王者魯定公十四年天王

使石尚來歸脤疏脤是社稷之肉脤是宗廟之肉此文雖主兄弟之國至于二王後及異姓有大功者得與兄弟之國同故僖九年夏王使宰孔賜齊侯胙曰天子有事于文武使孔賜伯舅胙注胙脤肉周禮以脤脤之禮親兄弟之國不以賜異姓敬齊侯比之賓客又僖公二十四年宋成公如楚還入于鄭鄭伯將享之皇武子曰宋先代之後也於周爲客天子有事脤焉有喪拜焉是二王後及異姓有大功者亦得脤脤之賜是以大行人直言歸脤以交諸侯之福不辨同姓異姓是容有非兄弟之**以賀慶之禮親異姓之國**注異姓王昏姻甥舅疏國亦得脤脤也**以賀慶之禮親異姓之國**謂諸侯之國有喜可賀可慶之事王使大夫往以物賀慶之舉異姓包同姓也大行人云賀慶以贊諸侯之喜不別同姓異姓則兼同姓可知
吳氏澄曰脤脤者特厚之禮故於同姓言之賀慶者普徧之禮故於異姓言之

蕙田案脤脤賀慶二者天子所以親諸侯也
大宗伯以弔膾恤屬凶禮脤脤賀慶屬嘉禮
而大行人又以歸脤賀慶致膾與朝宗覲遇
會同類聘問問同列益凶嘉二禮之通于賓
禮古今俱附入天子遣使侯國條內以從其
類云

右總論天子遣使之事

春官外史掌書外令

注王令下畿外

若以書使于四方則書其令

注書王令以授使者

黃氏曰以書使于四方之書猶令之制書敕書也

右王命

夏官司士作士適四方使爲介

注士使謂自以王命使也介大夫之介也春秋傳曰天王使石尚來歸服

蕙田案作士使爲介謂上卿使則大夫爲介

大夫使則士爲介皆司士選之

虎賁氏適四方使則從士大夫

疏天子有下聘諸侯法大行人所云歲徧問之等時則使虎賁從行也

秋官行夫使則介之

注使謂大小行人也故書曰夷使鄭司農云夷使使于四夷則行夫主爲之介元謂夷發聲

蕙田案使則介之謂行人爲使則行夫爲之

介也

右介

地官掌節掌守邦節而辨其用以輔王命

注邦節者珍圭牙璋穀圭琥圭琬圭

也王有命則別其節之用以授使者輔王命者執以行爲信

凡邦國之使節山國用虎節土國

用人節澤國用龍節皆金也以英蕩輔之

注使節使卿大夫聘于天子諸侯行

道所執之信也土平地也山多虎平地多人澤多龍以金爲節鑄象焉必自以其國所多者于以相別爲信明也今漢有銅虎符杜子春云蕩當爲帑謂以函器盛北節或曰英蕩畫函

蕙田案使節天子遣使於諸侯使者所執之節也山國謂使於山國下倣此

觀承案英蕩解未安蕩宜從竹大竹也見禹貢特出者爲英蓋以竹之最大者以函節適遠故曰輔姑存此說以備考

凡通達于天下者必有節以傳輔之

注必有節言遠行無有不傳節而出者也輔之以傳

者節爲信耳傳說所齎參及所適

秋官小行人達天下之六節山國用虎節土國用人節澤國用龍節皆以金爲之道路用旌節門關用符節都

鄙用管節皆以竹爲之

注此謂邦國之節也達之者使之四方亦皆齊法式以齊等之也諸侯使臣行顧聘則以金節

授之以爲行道之信也虎人龍者自其國象也道路謂鄉遂大夫也都鄙者公之子弟及卿大夫之采地之吏也凡邦國之民遠出至于他邦他邦之民若來入由國門者門人爲之節由關者關人爲之節其以徵令及家徙鄉遂大夫及采地吏爲之節皆使人執節將之以達之亦有期以反節管節如今之竹使符也其有商者通之以符節如門關門關者與市聯事節可同也亦所以異于畿內也凡節有大子法式存于國疏此經亦是適四方之事言達天下之六節者據諸侯國而言掌節所云據畿內也虎節人節龍節三者據諸侯使臣出聘所執旌節符節管節三者據在國所用

蕙田案節有二有守節有行節守節憑以爲重行節持以爲信其用以爲節者有四或以玉或以角或以金或以竹皆篆刻文字而中分之有故則相合以爲驗者也先王制節以防奸僞凡守土之官奉使之臣貨賄之出入小民之往來皆執此以爲信驗蓋雖一物之微而馭天下之機要在是故特設掌節之官以專司其事漢有符節令主符節事凡遣使

掌授節猶古制也後世印章卽古人符節之遺制古人用之列國其事簡後世用之案牘其事繁蓋亦從時之宜矣

春官典瑞

珍圭以徵守以卹凶荒

注珍圭王使之瑞節制大小當與琬琰相依王使人徵諸侯憂

凶荒之國則授之執以往致王命焉如今時使者持節矣卹者闔府庫振救之凡瑞節歸又執以反命

牙璋以起軍旅以治

兵守

注鄭司農云牙璋璋以爲牙牙齒兵象故以牙璋發兵若今時以銅虎符發兵元謂牙璋亦王使之瑞節兵守用兵所守若齊人成遂諸侯成周

穀圭以和難以聘女

注穀圭亦王使之瑞節穀善也其飾若粟文然難仇讐和之者若春秋宣公及齊侯平莒及邾晉侯

使瑕嘉平戎于王其聘女則以納徵焉

琬圭以治德以結好

注琬圭亦王使之瑞節諸侯有德王命賜之及諸侯使大夫來聘既而爲壇會之使大夫執以命事焉大行人職曰時聘

以結諸侯之好鄭司農云琬圭無鋒芒故治德以結好

琰圭以易行以

除慝

注琰圭亦王使之瑞節鄭司農云琰圭有鋒芒傷害征伐誅討之象故以易行除慝易惡行令爲善者以此圭責讓喻告之也元謂除慝亦于諸侯

使大夫來賴既而使大夫執而命事于壇大行人職曰殷賴以除邦國之慝

疏治德與易行據諸侯自有善行惡行王使人就本國治易之吳氏澄曰交好本于執德之不同故治德爲大而結好次之邪慝生于率行之不謹故易行爲大而除慝次之

考工記玉人琬圭九寸而縹以象德

注琬猶圓也王使之瑞節也諸侯有德王命賜之使

者執琬圭以致命焉纁藉也疏典瑞云治德據使者而言此言象德據圭體而說彼不言有纁此言有纁亦是互見爲義

琬圭九寸判

規以除慝以易行

注凡圭琬上寸半琬圭琬半以上又半爲琬飾諸侯有爲不義使者征之執以爲瑞節也除慝誅惡逆也易行

去煩

穀圭七寸天子以聘女牙璋中璋七寸射二寸厚寸

以起軍旅以治兵守

注二璋皆有鉏牙之飾於琬側先言牙璋有文飾也疏典瑞無中璋者以其大小等故不見也軍

多用牙璋軍少用中璋

蕙田案典瑞之珍圭玉人無之玉人之中璋典瑞無之典瑞云穀圭以和難以聘女而玉人無和難之文或彼此互見或互有脫簡也

右節信

夏官校人凡國之使者其其幣馬

注使者所用私覲

右幣

詩小雅皇皇者華序皇皇者華君遣使臣也送之以禮樂言遠而有光華也疏光顯其君常不辱命于彼

曹氏粹中曰燕以遠之所謂禮也歌以樂之所謂樂也

程子曰天子遣使四方以觀省風俗采察善惡訪問病苦宣道化於天下國家被聲教是以光華

皇皇者華

于彼原隰

傳皇皇猶煌煌也高平曰原下濕曰隰忠臣奉使能光君命無遠無近如華不以高下易其色箋

無遠無近唯所之則然

駉駉征夫每懷靡及

傳駉駉眾多之貌箋征夫眾行夫也

朱子集傳此遣使臣之詩也君之使臣固欲其宣上德而達下情而臣之受命亦唯恐其無以副君之意也故先王之遣使臣也美其行道之勤而述其心之所懷曰彼煌煌者華則于彼原隰矣此駉駉然之征夫則其所懷思常若有所不及矣蓋亦因以爲戒然其辭之婉而不迫如此詩之忠厚亦可見矣

我馬維駒六轡如濡

箋如濡言鮮澤也

載馳載驅周爰咨諏

箋爰于也

程子曰採察求訪使臣之職

朱子集傳使臣自以每懷靡及故廣詢博訪以補其

不及而盡其職也

我馬維騶六轡如絲

傳言調忍也

載馳載驅周爰咨謀

傳咨事之難易爲謀

我馬維駟六轡沃若載馳載驅周爰咨度

傳咨禮義所宜爲度

我馬維駒六轡既均

傳陰白雜毛曰駒均調也

載馳載驅周爰咨詢

朱子集傳案序以此詩爲君遣使臣春秋內外傳皆云君教使臣儀禮亦見鹿鳴疑亦本爲遣使臣而作其後乃移以他用也然叔孫穆子所謂君教使臣曰每懷靡及諏謀度詢必咨于周敢不拜教可謂得詩之意矣

四牡序四牡勞使臣之來也

疏事畢來歸也

有功而見知則說矣

嚴氏祭曰人臣之事皆職分所當爲不計其君之知不知也此特序詩者之辭以爲使臣有馳驅之勞而其君能深體之其心之喜悅當如何非使臣必待見知而後說也

四牡騤騤周道倭遲

傳騤騤行不止之貌倭遲歷遠之意

豈不懷歸王事靡盬

我心傷悲

傳不堅固也思歸者私恩也靡盬者公義也傷悲者情思也箋無私恩非孝子也無公義非忠臣也君子不以私害公不以家

事辭
土事

采子集傳此勞使臣之詩也夫君之使臣臣之事君禮也故爲臣者奔走於王事特以盡其職分之所當爲而已何敢自以爲勞哉然君之心則不敢以是而自安也故燕享之際叙其情以閔其勞言駕此四牡而出使於外其道路之回遠如此當是時豈不思歸乎特以王事不可以不堅固不敢徇私以廢公是以內顧而傷悲也臣勞於事而不自言君探其情而代之言上下之間可謂各盡其道矣

四牡騤騤

傳騤騤馬勞則喘息自汗黑鬣曰騤

豈不懷歸王事靡

盥不遑啟處

傳盥盥服敝跪處居也臣受命舍幣于廟乃行

翩翩者騅載飛載下集于苞栩

傳騅夫不也

王事靡盥不遑將

父

傳將養也

范氏處義曰忠臣孝子之行役未嘗不念其親君之使臣豈待其勞苦而自傷哉亦憂其憂如已而已矣此聖人之所以感人心也

翩翩者騅載飛載止集于苞杞

傳杞枸櫞也

王事靡盬不遑將

母

駕彼四駱載驟駸駸

傳駸駸駸貌

豈不懷歸是用作歌將母來

詒

傳詒念也箋詒告也

朱子集傳以其不獲養父母之情而來告於君也非使人作是歌也設言其情以勞之耳

右遣使勞使

春秋隱公七年天王使凡伯來聘

杜注凡伯周卿士凡國伯爵也何注書者喜之也古者諸侯

有較德殊風異行天子聘問之當北面稱臣受之於太廟所以尊王命歸美于先君不敢以已當之

穀梁傳凡伯者何

天子之大夫也

九年春天王使南季來聘

杜注南季天子大夫也南氏季字也

穀梁傳南氏

姓也季字也聘問也聘諸侯非正也

注周禮天子時聘以結諸侯之好殷類以除邦國之患問

問以諭諸侯之志歸賑以交諸侯之福賀慶以贊諸侯之喜致禱以補諸侯之災許慎曰禮臣病君親問之天子有下聘之義傳曰聘諸侯非正寓所未詳

蕙田案穀梁問諸侯非正之說於禮無据范氏據周禮大行人及許慎五經異義以證其非可謂不易之論矣特以時聘殷類爲天子下聘于諸侯則非蓋周官之間問卽天子下聘之事對文則大曰聘小曰問散文言之則問卽聘也時聘殷類自是諸侯聘于天子不容混而一之也

張氏洽曰隱公十年之間宰嚭凡伯南季三至魯庭以魯爲周公之冑而欲親之也公不明尊王之義以正其國于是諸侯視效而王靈竭臣子則象而篡弒萌矣此春秋詳書王使之意也

桓公四年夏天王使宰渠伯糾來聘

杜注宰官渠氏伯糾名也

左氏傳

父在故名

公羊傳宰渠伯糾者何天子之大夫也其